



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Tribunal Poenitentiæ Sev Libri Dvo Prior De Poenitente Ut
Reo Posterior De Confessario Ut Judice**

Stoz, Matthäus

Anno M.DC.LXXXIX.

§. 10. Quomodo ad deserendam occasionem proximam?

urn:nbn:de:hbz:466:1-37144

aliquando, quod tibi displaceat, fecisse, & ita infinitam Majestatem tuam offendisse; ignoce, O magne DEUS! deinceps melius me geram, & magis tibi serviam. Ad eundem finem facit etiam similitudo presumta à Patre, vel Amico intimè dilecto, à Benefactore magno. Interrogandus enim est rufis pœnitens, an non habeat taler parentem, amicum, benefactorem? an non, si habeat aliquem, & illum, offendisset, graviter doleret? an non & DEUM credit esse optimum suum Patrem, maximum amicum? an non agnoscat, quod illum suis peccatis offenderit? an non ergo meritò, & de hoc dolere debet, & cum filio prodigo dicere: Pater! peccavi in cælum, & coram te; non sum dignus vocari filius tuus &c.

Indurati denique poterunt cum divina gratia ad aliquem dolorem emolliri, hujusmodi interrogatione: Si severissimus Judex, quem semel, vel sèpiùs in aliqua re offendisti, jam cum suis Ministris Justitiae coram adesseret, & acerbissimam mortem per ferrum, ignem &c. minaretur; nisi culpam cum dolore & proposito emendationis deprecareris, an non statim provolutus in genua id faceres? an non credis DEUM esse Judicem ita rigidum, ut nullum, eti nostro Judicio etiam levissimum, delictum relinquat impunitum? an non credis illum hic esse præsentem, & tibi minari acerbissimas hujus & alterius vita pœnas, quas quovis momento inferre potest; & incertum est, an hoc vel alio momento sit re ipsa illaturus? nisi conversi fueritis, gladium suum vibrabit; armum suum tetendit, & paravit illum, & in eo paravit vasa (seu instrumenta) mortis. Psalm. 7. v. 13. Prostratus itaque antefac-

ciem Domini dic: parce mihi, Domine, parce mihi misero peccatori! doleo, quod peccando te offenderim: Volo & propono nunquam id amplius facere &c.

§. X.

Quomodo ad deserendam occasionem proximam?

106. V. Absolvi denique etiam validè non potest, qui non habet propositum satisfaciendi omnibus suis obligationibus, quibus sub peccato mortali est obstrictus, ut est obligatio vitandi occasionem proximam peccandi mortaliter, obligatio restituendi &c. De hoc proposito actum est fùlè sup. lib. 1. p. 2. à n. 75. & ex quibus signis cognoscatur, dictum est ibidem num. 104. & 114. Hic addo sequentia I. qui occasionem proximam peccandi mortaliter facilè potest, sed non vult dimittere; hic & nunc autem de peccatis commissis concipit dolorem, & propositum extraordinariè magnum, potest tunc juxta communem adhuc absolvı. Tamb. de confess. l. 9. cap. 3. §. 1. n. 6. Laym. l. 5. tr. 6. cap. 4. n. 10. V. Veruntamen. in fine. Sed Dicastillo de pœnit. Disp. 6. n. 336. de concubinario loquens reclamet, magna hic opus esse prudentia, & consideratione loci, temporis, personæ, aliarumque circumstantiarum; neque facilè praticandum. &: Ego, inquit, vix crederem alicui, quantumvis affirmanti, se habere firmissimum propositum, & magnum dolorem, si simul, cum possit, nolit se tanto periculo liberare; nec dignus est, cui credatur. Ita Dicastillo l. c. & Disp. 10. n. 572. Tan. tom. 4. Disp. 6. q. 9. n. 119. ubi ait, concubinarium etiam prima vice venien-

H 2

tem

tem ad confessionem, esse ordinariè remittendum, ut priùs concubinam re ipsa expellat; & neque in articulo mortis esse antè absolvendum. Quodsi autem II. ejusmodi pœnitens jam semel vel saltem (ut Gobat tr. 7. n. 533, indulget) ter vel quater iussus est occasionem deserere, & quamvis potuisset, non deserueret; tunc omnino etiam juxta benignioris sententiaæ Auctores non esset absolvendus, antequam re ipsa occasionem dimisisset. Laym. l.c. n. 11. Tan. cit. n. 119. quia saltem istum unanimiter censem DD. carere vero proposito, nec præbere spem emendationis. Quod ipsum tamen Laym. l.c. non vult pro universali Regula haberi. Cùm fieri possit, ut pœnitens post illas omnes suastergiversationes jam evidenter mutata voluntatis indicia præ se ferat, ac propterea illius promissio iterum acceptari, datique absolutio possit. Quam limitationem indicat etiam Tan. l.c. III. Si constitutus in proxima occasione peccandi, & prædictum dolorem ac propositum extraordinariè magnum ostendens, non possit sine aliquo, non omnino levi incommodo, occasionem illam relinqueret; & jam insuper velit adhibere aliqua apta media ad peccata vitanda, v.g. non agere solus cum sola, sine necessitate non alloqui &c. tunc potest absolviri. Dicast. l.e. n. 337. Tamb. l.c. n. 7. quia occasio, quæ antè fuit, jam respectu illius, speciali dolore & proposito, aperteque remediis instructi, & meru subeundi incommoda impulsu, non censetur amplius proxima; donec iterum constet, etiam his mediis armatum in ea occasione non cessare peccare. IV. Si quis occasionem proximam peccandi deserere non possit, vel physicè, vel saltem moraliter (hos est,

non sine valde gravi & magno damno corporis, famæ, vel fortunæ) de peccatis tamen seriò doleat, ac propositum ei, quantum potest, exhibitis opportunis remedii, cavendi ostendat, tunc potest absolviri; quia tunc occasio, et si sit proxima, non est tamen ipsi voluntaria; & censetur jam non amare periculum, aut in id se sponte conjicere, sed invitus subire & pati. Laym. l.c. n. 9. V. Excipe. Tamb. de Confess. l.3. c. 3. n. 8. Dicast. de pœnit. Diff. 6. n. 340. cum Suar. utroque Sanch. & aliis contra Tan. l.c. n. 112. & alios rigidius, & de periculo peccandi sicut de ipso peccato loquentes. Consilii quidem est, bono spiritualis securitatis damnum quocunque temporale postponere, non tamen præcepti, inquit Laym. l.c. Et in his circumstantiis pœnitens etiam si pœnit reincident, inquit Dicast. Diff. 10. n. 576. nec cogendus est illam occasionem tollere; nec privandus absolutione, etiam (ex) pissimè recidivus; quin potiushortandus est, ut saepè veniat ad confessionem, alia que media adhibenda, quæ videti poterunt opportuna. Consentit Tamb. l.c. n. 10. vide sup. p. 2. à n. 107.

Hoc tamen Tan. & aliis libenter damus, quod si quid non tantum sit occasio proxima peccandi, sed etiam secundum seipsum habeat rationem formalem peccati mortalis (uti habere potest detentio libri prohibiti, scandalosa cohabitatio cum aliqua persona, scandalosa frequentatio aliquarum ædium &c.) tunc quantumeunque pœnitens dolcat de peccatis ex tali occasione commissis, proponatque & promittat cavere; necessitatem insuper sit, ut, antequam absolvatur, seriò velit & proponat ipsam etiam occasionem dimittere; quia est, ut ponitur,

nitur, in se formaliter peccatum mortale, ergo qui non vult relinquere, non est dispositus ad absolutionem. Tan. I, c. n. 108. nisi necessitas ad sit tantum, quæ excusat ab obligatione Legis, atque ita occasione demat rationem peccati, & scandalii activi. Unde in casu tantæ necessitatis, qui utique non est frequens, etiam publicus peccator, licet occasionem proximam non veller dimittere, posset absolvī, quia scandalum esset tunc non datum, sed tantum acceptum & passivum. vide Tamb. I, 3. c. 3. n. 12.

§. XI.

De absolutione danda, neganda
vel differenda.

107. Denique generatim loquendo Confessorius audita pœnitentis confessio-ne, vel judicat ex sufficienti fundamento cum esse ritè dispositum ad absolutionem percipiendam, vel non esse. Si hoc posterius, tunc Confessorius debet, quantum potest, laborare, ut eum ritè disponat: neque potest eum non absolutum sine gravi causa dimittere, inquit Laym. I, 5. tr. 6. cap. 13. n. 10. V. Dico III. ut sup. n. 103. saltem si absque culpa sua venerit indispositus. Palao de pœnit. Disp. un. p. 18. §. 2. n. 12. quia causa Judicij Sacramentalis cœpta est, ergo si, cum commodè potest, non perficiatur, infertur grave onus pœnitenti; & non levis irreverentia Sacramento. vide sup. n. 84. & inf. num. 132. Sin autem Confessorius prudenter judicet, pœnitentem esse ritè dispositum (signa ex quibus id judicare potest allata sunt sup. lib. I. p. 2. n. 104. & 114.) tunc ei non potest simpliciter negare absolutionem, ut dictum supra cit. n. 87. An autem liceat

eam differre, dubium est. Nam Joann. Sanch. Disp. 9. n. 12. contendit, id ne quidem cum pœnitentis consenu, utpote non rationabili fieri posse. Sed rectius alii affirmant, & quidem non tantum, si pœnitentis consentiat (quod prudenter facit in ordine ad hoc, ut adhuc melius se disponat) sed etiam absque ejus consenu, si Confessorius prudenter judicet, dilationem ei profutaram, ut gravitatem peccati melius agnoscat, magis caveat a relapsu &c. vel si Confessorius ex justa causa, ut potest, velit pœnitentiam ante absolutionem impleri. Nam et si Sacramen-tum cœptum debeat perfici, & pœnitenti Jus suum tribui; necesse tamen non est, ut semper statim fiat. Confessorius quoque non est tantum Judex, sed etiam Medicus; ergo dilationem absolutionis, cùm aliquo modo necessaria videtur, potest tanquam medicinam pœnitenti etiam invito applicare. Tamb. de conf. I, 3. cap. 3. n. 14. & 15. Dicast. Disp. 6. n. 374. qui tamen rectè monet, hoc remedium ordinariè non expedire, nec facilè adhibendum esse pœnitentibus ritè dispositis & invitatis, ut sup. lib. I. p. 2. n. 107. pluribus probatum est. Juxta quæ intelligendum est & hoc à S. Franc. Xaverio Confessoriis quoad graves peccatores dari solitum documentum. lib. 6. vite. cap. 17. Confessionem non continuò sequatur absolutio.

ARTICULUS III.

De Officio Confessorii circa Pœnitentiam injungendam.

De hac prout à pœnitente implenda est, actum fuit jam sup. lib. I. p. 4. an. 5. Su-

H 3

perest